

**SHARCIGA Lamb. 1 EE 7 MAA Y 1956:**

**DHISMAHA DOWLADDA SOMALIYA**

**MAAMULKA WALAAYADDA TALYAANIGA EE SOMALIYA**

**MAAMULAHA**

Iyadoo la tixraacayo ansixiddaa Golaha Xeer Dejinta

**WAXAA LA AMRAY LANA SOO SAARAY:**

Sharcigaan halka ku qoran:

**Qod. 1**

Waxaa la dhisay Dowladda Somaliya  
Dowladdu waxay maamuli doonta arrimaha gudaha ee Somaliya iyadoo la dhowraaya shuruucda iyo mabaa'diida iyo xeendaabka oo uu tilmaamay Heshiiska Walaayadda.

Dowladda waxay ka kooban tahay Raisul Wasaaraha iyo Wasiirado oo ku kulunsan Golaha Wasiiradaha.

**Qod. 2**

Maamulaha Guud wuxuu magacaabi doona Raisul Wasaaraha iyo Wasiiradaha isagoo la tashtay Raisul Wasaaraha.

**Qod. 3**

Raisul Wasaaruhu wuxuu hagaaya siyaasadda guud ee Dowladda isagana mas'uul ka ah.

Wuxuu u xilsaaran yahay middeynta siyaasadda guud iyo maareeynta howlaha Wasaaradaha.

Wasiiraduhu waxay si wada jir ah uga mas'uul yihiin go'aanada Golaha Wasiiradaha, waxaana gaar ahaan uga mas'uul yihiin Wasaradaha ay ku magacaaban yihiin.

**Qod. 4**

Raisul Wasaaraha iyo Wasiirada oo dhan intii aysan howlahooda guda gelin waxay marayaan dhaar Maamulaha Guud hortiiisa.

**Qod. 5**

Dowladdu waxay u soo bandhigi doonta Golaha Xeer Dejinta, qorshaheeda dowladeed.

Golaha Xeer Dejinta kadib markii ay baarto oo ka dodo qorshaha dowladda waxay ka codeyn doonta aqbalidda ama didmada qorshahaasi.

**Qod. 6**

Raisul Wasaaruhu iyo Wasiiraduhu, ilaa iyo intii ay xilka wadaan, kama shaqeyn kara xirfado kale, ma iibsan karan hanti ay dowladdu leedahay, mana ka qeyb geli karaan si toos ah ama si dadban hey'adaha ama shirkadaha hoos yimaada Walaayada, ama

tartanka ay iyado iclaamiso. Sidoo kale kama noqon karan xubno ka tirsan Guddi maamulka ee hey'ado ama shirkadaha ganacsi ah.

**Qod. 7**

Maamulaha Guud wuu ka qaadi kara xilka Wasiirnimada.

**Qod. 8**

Golaha Xeer Dejinta waxay ku eedeyn karaan Raisul Wasaaraha iyo Wasiiradaha falal dembiyeed ay galeen intii ay xilkooda hayeen.

**Qod. 9**

Maamulaha Guud ayaa dekreeto ku jaangoyn doona gunnoyinka la siin doono Raisul Wasaaraha iyo Wasiiradaha.

**Qod. 10**

Maamulaha Guud wuxuu magacabayaa hal La-taliye Wasaarad kasta. Kuwaas oo ka qeyb qaadan doono fadhiyada Golaha Xeer Dejinta ayagoo aan lahayn awood coddeynta.

**Qod. 11**

Qeexinta tirada, howlaha iyo nidaamka Wasaaradaha waxaa Maamulaha Guud ku soo saari doona dekreeto.

**Qod. 12**

Sharcigaani wuxuu hirgeli doona maalinta lagu soo qoro Faafinta Rasmiga ah. Sharcigaani waxaa lagu keydinaya Keydka Rasmiga ee Shuruucda waxaana lagu qori doona Faafinta Rasmiga. Waxaa u sugnaatay in qof kasto ay u hoggansanato sharcigaan dadkana ay u hoggamiso in uu yahay sharci ka hirgalsan Somaliya.

Muqdisho, 7 Maay 1956.

Maamulaha  
**Anzilotti**